



UNIVERSITÄTS-
BIBLIOTHEK
PADERBORN

Universitätsbibliothek Paderborn

Libellvs De Principalitate Romanæ Ecclesiæ

Roth von Schreckenstein, Hieronymus

Ingolstadii, 1550

VD16 R 3252

Widmung

urn:nbn:de:hbz:466:1-30126

PRAESTANTIS

SIMAE PIETATIS ET RELIGIONIS,
Domino Geruico Plaurero, Abbati in Vuingarten
& Ochsenhausen, Sacrae Cæsareæ & Regiæ Maiestas-
tum à Consilijs, Domino, patrono, & affini suo præ-
cipuo. Hieronymus Rott à Schreckenstain
& Vnderfulmemmigen felicitatem
optat perpetuam.



Vm sapius mecum excelsi animi tui
uirtutes eximias considerarem, quæ
te ad amplissimos honores euehunt,
præter innumeras ingenij tui dotes &
singularem prudentiam, quam om-
nes in te suspiciunt & admirantur, in hoc præcipue
te excellere cognoui, quod studiosos bonarum litera-
rum tanta prosequeris beneuolentia, ut eorum Mes-
cænas, præsidium & dulce decus existas, illorum tam-
men qui eruditionem cum uera & Catholica pietate
coniungunt, non eorum qui uanæ gloriæ spe ducti
unitatem Ecclesiæ nouis hæresibus scindunt, & pro-
uiribus dilacerant. Hinc est, quod etsi domus Plaur-
riorum innumeros Imperatorum Consiliarios & cla-
rissimos uiros produxerit, tamen de te merito gaudere
debeat, qui Maximî Caroli à Consilijs facile prin-
cipem locum tenes. Cogitanti uero mihi quam ob-
A 3 causam

causam nostris temporibus tot hæreses in Christianismum irrepsissent, omnesq; ætates Christianæ fidei euoluenti, ut primum cœperit Christianitas, ut coaluerit deinde, ut ad summum deniq; peruenerit, & toties sæuas persecutiones passa semper immota permanerit, ita ut eandem nulla Tyrannorum potentia, nec ulla Hæreticorū malignitas extinguere potuerit. Perspexi ex hoc unico malo omnes dissensiones in Ecclesia ortas, si qui Romanæ Ecclesiæ Principalitatem & auctoritatem infirmare conati sunt. Ob quod libellum de Principalitate eiusdem, ad Pontificem Opt. Max. nostrum Paulum III. pro tenuitate mea, ut saltem doctioribus ansam præberem, scripsi, quem tuo patrocínio ad eundem mittere placuit. Accipe igitur hunc serena fronte, & si tibi uisum fuerit è re Christiana esse, non tã Pontifici parenti Christianitatis, quàm etiam in publicum mittas. Sub titulo autem Principalitatis ipsa Unitas totius Ecclesiæ Christianæ uenit. Nam sine Principalitate Romanæ Ecclesiæ unitas consistere nequit. Cæterum tu me Clientem & affinem nominis tui studiosissimum, ut soles, commendatum habe. Vale ex arce Vnderfûlmemmigen Pridie Kalen. Septemb. Anno à Christo nato. M. D. XLIX,

Sanctissimo